

Za
1960



QF 285

v. Verbisdorff

Za
1960

37.

Drey schöner vnd köstli-
cher Glückspfenning / von dem allerbesten
Golde / so in dem lebendigen Wasserfluß des Hümli-
schen Paradeiß / das ist / dem heyligen Göttlichen Wort
gefunden wird / Allen Christlichen jungen
vnd alten Eheleuten.

Zusonderheit aber

Dem Edlen / Gestrengen / vnd Ehrenue-
sten Junckern Haupold von Verbißdorff / zu Nider-
forheim / Auch der Edlen / Viltugentsamen Junckfrawen Margas-
rethen / des Edlen / Gestrengen / Ehrenueste Stalanus von Scharz-
fenstein seligers / nachgelassener Tochter / zu ihrem Christ-
lich Hochzeitlichen Ehrntag / verehrt
vnd erkleret.

UNIVERSITÄTS-BIBLIOTHEK
HALLE
(SAALE)

BIBLIOTHECA
PONICKAVIANA

Durch

Bartholemeum Hoffmann von S. Ma-
rienbergk / zu Heidelberg / Montags /
den 18. Februarij / im Jar

BIBLIOTHECA
UNIVERSITATIS
HALLE

M D LXXVII

149

Das Buch ist ein

Handwritten text in Gothic script, likely a title or introductory text.

Das Buch ist ein
Handwritten text in Gothic script, possibly a title or introductory text.

LIBR. THEOL. S. M. MAG.

Handwritten text in Gothic script, possibly a title or introductory text.



M D LXXVII



Drey Schöner vnd köstlicher Glück=
pfennige / von dem allerbesten Gold / so in dem
lebendigen Wasserfluß des Himmlichen Paradeis / dem Gen. 2.
heiligen Göttlichen wort gefunden wird / allen
Christlichen jungen vnd alten Ehe=
leuten verehret /

Durch
Bartholemeum Hoffmann von S. Marien=
berg / Aus dem 9. Capitel des Buchs
Tobia.

G Abel weinete / vnd lobete Gott / vnd
sprach zu Tobia / Es segne dich der
Gott Israel / Denn du bist eines from=
men / gerechten vnd gottfürchtigen man=
nes Sohn / der den armen viel guts ge=
than hat. Geseget sey dein weib vnd dei=
ne Eltern / Vnd Gott gebe / daß ihr sehet
erwer kinder vñ erwer kindskinder / bis ins
dritte vnd vierdte geschlecht / Vnd gese=
gnet sey dein same von dem Gott Israel /
der da herrschet vnd regieret ewiglich.

G Lob vnd Preis dem Ewigen
vnd Allmechtigen Gott / zu ehren seiner
heyligen ordnung vnd stiftung / dem lieben
Ehestand / auch zu besonder gnaden / gunst /
vnd gefallen dem Edlen / Gestrengen /



Ehruvesten Juncfern Heupold von Verbisdorff / auch
der Edlen / viltugentsame Margarethen von Verbisdorff /
geborner von Scharffenstein / seind wir heute / lieben Chris-
sten anhero zusammen kommen / vnd haben gesehen / wie die
Durchleuchtige vnd hochgeborne vnser Gnedige Herren
vnd Frawen / sampt dem loblichen Adel vnd Ritterschafft /
nach altem Christlichem brauch vnd herkommen / die anges-
henden neuen Eheleuthe / mit sonderlich herrlichen gaben
vnd geschencken / neben herrlicher glückwünschung / gene-
dig / vnd günstiglich begnadet vnd verehret haben.

Weil dann beide Adelige Hochzeitere / ein gute zeit meis-
ne Zuhörer vnd liebe Pfarfinder gewesen / zu dem auch des
Juncfern Breutzams geliebter Vatter seeliger / gebrüdere
vnd Freundschaft / auch er selbst / mir unwürdigen / vil gut
vnd wolthat erzeiget / damit ich nicht / als vndanckbar bes-
funden würde / vnd bey solchen hochzeitlichen Ehren lár er-
schiene / hab ich abermal auß der vielreichen Schatzkammer
des heiligen Göttlichen Worts / ein edel vnd werdes Klein-
not / den anfanglich vorlesenen Spruch herfür gesucht / wil
solehs zwar Braut vnd Breutzam insonderheit / (darneben
aber doch auch allen Christlichen Eheleuten / denen hiemit
gedienet ist) auß vnderthenigem trewen hertzen verehret ha-
ben / der liebe Sohn Gottes verleyh dazu seines Geistes ges-
nade / Amen.

Fürneme
lehren
auß Co-
bie hoch-
zeit.

Wiewol aber / jetzt gute gelegenheit gewesen / auß des lie-
ben Tobia Hochzeit / von nachfolgenden lehren zusagen / Als
I. Das Ehesachen warhafftig Gottes sachen seind / vnd
durch ihn wunderbarlich gefügt vnd geschickt wer-
den / wie der Christlich hochgelehrte Poet sagt:

Non opus humanum est fato connubia fiunt.

II. Welche

- II. Welche Eheleute Gott segne / vnd vber welche der Teuffel macht habe.
- III. Das auch die lieben Engelen Ehe stifften helffen / vnd Christlichen Eheleuten treulich auff dem dienst warten.
- IIII. Das hochzeitliche Ehrenfreud / vnd was dazu gehöret (außgeschlossen mißbrauch vnd vberfluß) von Gott nicht verbotten / ihme auch nicht mißfällig sey.

Jedoch damit wir ewer liebe nicht alzulang auffhalten / so wollen wir anfänglich vorlesene wort allein / vor vns nemen / vnd darauff von folgenden zweien stucken / vns berichten lassen.

Erstlich / von dem herrlichen vnd schönen Segen / oder gar statlichem geschenke / damit der fromme man Gabel / den jungen Tobiam vnd seine liebe vortrawete / verehret / welchen wir auch hiemit / gegenwertigen vnsern Adelichen neuen Eheleuten / von grund vnser hertzen wollen verehret vnd gewünschet haben.

Zum andern / von der ursache die ihn zu solchem herrlichen wunsch beweget vnd angereizet habe.

Vom ersten.

Gewöllens ihr vil dafür halten / als sey das Buch Tobia nicht ein Historia oder geschicht / sondern ein gedicht vnd gleichnus / darinne man jungen Eheleuten vil schöner vnd herrlicher bespil vnd exempel / gleich als in ein Spiegel hat zeigen vnd fürstellen wollen / dem aber sey wie im wolle: Ist ein Histori / so muß dieser Gabel gewiß

Gabel
ein from
ehrlich
man für
Gott vñ
der welt.

ein sehr ehrlicher frommer mann / beyde für Gott vnd der Welt gewesen sein : Ist's ein gedicht / so hat man vns doch ein bild oder contrafact eines solchen abreißen vnd fürstellen wollen / Dann erstlich vor der welt ist er gerecht vnd ein biderman / borget zu seiner nodturfft auff / vnd da er gemanet würd / bezalet er zu gutem danck / vnd helt sich wie ein gut freindt / nach dem Sprichwort / Ein gut freindt / der da leihet / ein gut freindt der da auch bezalet vnd widergibt: Vnd weil er weiß / daß das vnglück von dem hause des vndanckbaren nicht wird abweichen / erzeiget er sich gegen seinem Schuldherrn danckbar / vnd zeuhet seinem sohn einen guten ferren weg auff seinen hochzeitlichen Ehrntag zugefallen. Für Gott aber helt er sich auch vnsträfflich / dann ob er wol im elend mitten vnder den abgöttischen Assyrien wohnet / helt er doch in seinem herze hart vnd feste an dem Herrē dem Gott Israel / ehret vnd kennet keinen andern Gott / weder ihn / vñ auß solchem reinen herzen quillet nun auch vnd schallet herfür / diß lieblich gethōn vnd herzlich glückwünschung / dauon wir jesund hören wollen.

Prover. 17.

Er verehret aber den jungē Tobiam vnd seine liebe Braut vnd ehgemahl (damit wir bey der Hochzeit / hochzeitlich dauon reden) mit drey vberaus schöner vnd köstlicher glückspennig / welche gemünket seind / auß dem allerbesten gold / welches weder in der alten Insel Sphir oder Peru / noch in Portugal / noch in Ungern / Sondern allein in dem lebendigen Wasserfluß des Göttlichen Worts gefunden wird. Vnd lauten die vberschriften derselben pfenning also:

Gen. 2.

Drey guldene pfenning mit ihrer vberschrift.

Des ersten / Es segene dich der Gott Israel / vnd gesegnet sey dein Weib vnd deine Eltern.

des

Des andern/ Gott gebe/ daß ihr sehet ewere kinder/
vnd ewerer kinder kinder ins dritte vnd vierdte geschlecht.

Des dritten/ Geseget sey ewer same vö dem Gott
Israel/der da herrschet immer vnd ewiglich.

Überleset diese überschriften fleißig / vnd betrachtet sie
gar wol/dann ihr darauß/wie würdig vnd köstlich die münz
ke sey/ erlernen werdet.

Zum ersten / wie gar sehnlich vnd anmütig es zuhören Erste
sey / vnd wie gar eine feine Glücks
saget / Es segne dich der Gott Israel / dauon haben wir pfeñing.
oben bey außlegung des ersten vers im 20. Psalmen / Der
Herre erhöre dich in der not / bey der gleichnus / wie es sehr
anmütiglich zuhören sey/wann ein Vatter also mit seinem
Kindelein redet / anzeigung gethan / dabey wir es jetzt auch bes
wenden lassen / vnd den Leser dahin gewisset haben wollen.

Da er aber saget / Es segne dich der Gott Israel / wil er
mit solchen worten nicht allein angezeigt haben / welchen
Gott er kenne / ehre / vnd anruffe / vnd denselben von allen
andern Heidnischen / stummen Götzen vnderscheide: Er
wil auch nicht allein lehren / welchen leuthen Gottes segnen
zu gut komme / als denen / nemlich / die den rechten vnd den
waren Gott erkennen / wie er sich in seinem Wort geoffens
baret / vnd ihme nach seinem willen dienen: Sondern er wil
hiemit eigentlich vns lehren / was er für ein segnen meine / vnd
was er durch diß wort verstandē oder begriffen haben wolle.

Dann er führet vns hiemit in Moysen / vnd zeyget gleich
als mit einē finger auff die herrliche verheißunge / die Gott
der Herr dem lieben Israel oder Jacob / vnd seinen Väs
tern Isaac vnd Abraham / Gen. 12. 22. 26. 28. gegeben hats
te / daß nemlich in ihrem samen alle völker solten geseget
werden /

Gen. 3.
1. Iob. 3.
Gal. 3.

werden / das ist / das auß ihrem geschlechte / vnd nachkömnen /
der gebenedeite Weibsfahnen IESVS Christus geboren
werden / die wercke des Teuffels / sünde vnd tod zu nicht ma-
chen / vnd alle glaubige Christen vom ewigen fluch vnd ver-
maledenyung erlösen solte.

Psal. 17.

Psal. 128.

Deus ignis
consumēs.
Deut. 4.

Diesen Segen meinet hiemit der fromme Gabel / vnd
wünschet diesen jungen Eheleuten von herzen / daß ihnen
Gott vmb seines lieben Sohns Jesu Christi willen barm-
herzig vnd gnedig / vnd ein lieber getreuer Vatter sein / sie
zu seinen kindern vnd ewiger seeligkeit auff vnd annemen /
vnder dem schirm vnd schatten seiner flügel / als seinen auß-
apffel beschirmen vnd bewaren / vnd mit allem zeitlichem vñ
ewigem Segen / gut / vnd wolthat erfüllen wölle: Eben wie
auch König David allen Christlichen Eheleuten herzlich
wünschet / daß sie Gott auß Zion / das ist / vmb seines lieben
Sohns Jesu Christi willen / welcher durch den gnadenstul /
so damals in der burg Zion war / bedeutet wurde / segnen /
vnd in seinen Göttlichen schutz vñ schirm nemen solte. Daß
außer Christo / haben wir bey Gott weder glück noch segen /
noch einiges guten vns zutrosten. Wer aber etwas guts has-
ben / vnd von Gott sich getrosten will / der suche es bey dem
Herrn / vnd in seinem Namen alleine / sonst ist es als ver-
geblich / vnd verloren.

Math. 16.

Ist aber dis nicht ein gar schöner / vnd vber alle massen
herrlicher wunsch vñ geschenke / dargegen alle andere schätz-
ke der welt / gar wenig / ja lauter nichts seind zuachten / Daß
was hülffe es doch den menschen / wann er schon aller wele-
gelt vnd gut / herrligkeit / gewalt / wolust vnd Freuden hette /
vnd solte schaden leiden an seiner Seelen? Oder was kan er
doch geben seine arme Seele zuerretten? Widerumb wa dis
sey

ser Segen ist / da ist es auch unmöglich / daß ander zeitliche
vnd leibliche wolffart nicht auch erfolgen solte. Es muß je
denen / die Gott lieb hatt / vnd die ihn widerumb lieben / alles
zum besten gereichen. Vnd obs schon nicht eben also mit *Rom. 8.*

hauffen kömmt / wie wir es gerne hetten / So heist es doch in
solchem fall / Wann ich nur dich hab / so frag ich nichts nach *Psal. 73.*

Himmel vnd Erdē / Item / Der mensch lebet nicht allein vom
brot / sondern von einem jeden wort / das durch den mund *Matth. 4.*

Gottes gehet. Freilich / wen Gott lieb hat / dem müssen alle *Deut. 8.*

Engel vnd Creaturen hold sein / vnd wen Gott segnet / der
muß gesegnet sein / Das wird kein Balaam noch anderer
Zauberer vnd Teuffelsbeschwerer abwenden können. *Num. 23.*

Der ander pfenning / wiewol er am halt etwas geringer
ist dann der andere / (dann wer den ersten hat / der bestehet
wol für Gott / ob er schon nach Gottes gerechtem / alleine gu
tem vnd bestem willen des andern entrahten muß) So ist er
doch vber alle massen köstlich vnd herrlich / vnd lautet sein
überschrift also: **Gott gebe / daß ihr sehet ewer kin
der vnd ewer e Kindes kinder / bis ins dritte vnd
vierdte geschlecht.** War ist es / Gott hat je den heiligen
Ehestand darumb geordnet vnd eingesezt / auff das ordent
licher vñ ehrlicher weise die welt vñ menschlich geschlecht ge
mehret würde. Darumb kan man neuen vnd jungen Ehe
leuten nichts bessers / nach Gottes seggen wünschen / dan daß
fr Ehebet fruchtbar sey / vnd sie mit kindern gesegnet werden /
wie solches je vñ allweg bey frömen ehrlichen vnd Christli
chē leuten bräuchlich gewesen / Also wünschē der züchtigen
Rebecca brüder vnd Freund / als sie dieselbe auß statten wol
len / daß sie Gott in vil tausent glid auffwachsen / vñ ihre sa
men die thor ihrer feinde wölle besizen lassen. *Gen. 24.*

W

Ben Ruth benachbartin wüntschen ihr auch herzlich / daß sie wie Lia vnd Rachel fruchtbar in ihrer andern Ehe sich erzeigen solle / Ruth 4.

Hergegen ist allezeit vnfruchtbarkeit im Ehestand für ein sonderlich creuz vnd vnglück gehalten worden bey den Jüden / sonderlich / dieweil ein jeder / fürnemlich / wer auß dem Stamm Juda war / des zukünftigen Messiaë Vatter / Anherr / oder dergleichẽ zu werden verhoffete / Zu dem auch die vnfruchtbarkeit der verheißung nicht gleich sein wolte / daß ihr same / wie die Stern am Himmel / vnzehlich sein solte. So seind auch noch zu vnsern zeiten die alten Keim vnd Versß bräuchlich / Matrimonium sine prole, est quasi calum sine Sole. Item,

*Nascitur
indignè per
quem non
nascitur al
ter: Viuit
& indignè
per quem
non viuit
& alter.*

*Vt tristis sine Sole dies, sine sidere nox est:
Sic sine prole domus, sic est sine corpore lectus.*

Gleich wie der tag ohn sonnen schein
Die nacht ohn stern muß trawrig seinz
Also ist bert vnd hauß nicht sein
Darinn kein weib / noch kinder seinz

Ob aber nun wol natürlicher ehrlicher weise zu zielung oder zeugung der Kinder / Vatter vnd Mutter gehören: So ist doch auch widerunmb war / was Theodoretus sagt: Nuptiæ non dant liberos: sed, qui nuptiis legem dedit, Deus. Es ligt nicht an mann vnd weib / sondern an Gottes segen / darumb der liebe Jacob / Genes. 30. als seine liebe Rachel ihrer vnfruchtbarkeit halben / eben vngedultig war / recht antwortet / Meinstu das ich vber Gott sey / der deinen leib verschlossen hat / Vnd am 33. cap. sagt er von seinen kindern / daß Gott sie ihm gegeben habe / wie auch der 127. Psalm außdrucklich meldet / daß kinder vnd leibesfruchte

frucht des Herren gab vnd geschenck sey / vnd auch solches
vnsere Christliche Teusche art zu reden auch bekennet / das
vndie kinder von Gott bescheret werden.

Wie nun solchs Christlichen gottseligen Eheleuten in
alleweg wil gebüren / das sie vmb diesen segnen Gott den
allmechtigen treulich vnd herzlich sollen anruffen / dazu
dann auch frommer andechtiger Christen glaubige vorbitt / *Jacob. 5.*
wie in allen andern sachen / nicht wenig vormag: Also solle
widerumb die / denen Gott solchẽ segnen entzeucht / nit unges-
dultig / murrisch / oder kleinmütig werde / Sondern vil mehr
dem gerechten / vnd alleine gutem gericht vnd willen Gottes
sich vnderwerffen / vnd mit König David sagen Psal. 116.
Herr du bist gerecht / vñ deine gericht seind auch recht. Vnd
mit Syrach cap. 16. Es ist besser gar keine / dan böse vnd un-
gerathene kinder haben / wie wir jetzt bald ferner sagen wer-
den.

Dann dis ist die vberschrifft des drittẽ pfennings / welche
also lautet: Vnd gesegnet sey ewer saamen von *Dritte
pfening.*
dem Gott Israel / der da herrschet immer vnd
ewiglich. Gleich wie die Eheliche beywohnung / nicht
genug ist zum kinder zeugẽ / wo nicht Gott selbs gnade gibt:
Also ist auch der Eltern fleiß aller in zucht vnd auffziehung
der kinder vergeblich / wo nicht der allmechtige Gott ihre
jungen herzen durch seinen Geist / nach seinem willen
richtet vnd lencket. Darumb gibts die erfahrung das gemei-
niglich grosser leute kinder sehr vbel gerathen / wie man im
sprichwort sagt / *Heroum filii, noxæ:* Dann hiemit wil *Nota.*
Gott augenscheinlich beweisen / das seine gaben nicht erb- *Gottes
gabẽ er-
ben nicht*
lich sein / vnd das er in allen dingen Herr vnd Meister sein
vnd bleiben wolle / damit kein fleisch für ihm seiner geschick-

ligkeit/weißheit/oder dergleichen sich zurhüme habe/Sonder alleine seiner güt vnd gnaden alles zuschreibe.

Das wörtlein Segen/verstehet abermal/erstlich vom ewigen Segen/das Gott vnser vnd aller Christlichen Eheleut kinder vnd samens Gott sein/vnd do sie ime/auch noch in mutterleib verschlossen/ mit glaubigen gebett fürgetragen werden/er sie zu gnaden auff vnd annemen/vnd ewiglich selig machen wolle. Darnach ziehet es auch auff alle andere zeitliche vnd leibliche gnad vnd wolthat / welche gleichs fusses / den ewigen vnd geistlichen nachfolgen / ja ohne dieselbigen ganz vnd gar nichts werdt seind / wie oben gemeldet.

Diese drey stück des allerbesten Goldes / auß dem lebendigen Wasserfluß vnd quellen des Himmlichen Paradeis/wollen wir hiemit kurz vnd einfeltig / den Adelichen neuen Eheleuthen verheret haben/vnd auffs aller kürzest / auch vom andern stücke etwas anzeigen.

Vom andern Stück.

Ander
stück.

In diesem meldet nu der liebe frome Senior vrsachen/ die ihn darzu bewegen / das er diesen neuen Eheleuten so viel gutes wünschet. Du bist/spricht er/eines frommen/gerechten / vnd gottsfürchtigen mannes sohn / vnd der den armen viel guts gethan hat. Sihe wie gar ist's wol vnd köstlich angeleget/was an vnser arme/elende / Christ's glaubige / notlendende Brüder vnd Schwester wird angewendet. Freilich ist's war / wie Hieronymus saget: Er hab nie gesehen / das einer / so armen leuten guts thue / eines bösen todes gestorben sey/ Dañ es vnmüglich / das so vil guter leute gebett einen nicht erhalten sollen.

Er

Er gibt aber dem lieben alten Tobia vier herrlicher schön-
ner Ehrezeugnuß/die wir/wiewol nicht nach der ordnung
des Texts / fürzlich besehen wollen.

NOT A.
Dier schön-
ner ehren-
tittel eins
rechten
Christen.

Erstlich sagt er / Er sey Gottfürchtig/begreiffet hiermit
den ganken gehorsam der ersten taffel/vnd den waren Got-
tesdienst/erkantnuß Göttlichs wesens/vnd willens/anruf-
fung Gottes / vnnnd dancksagung/herrliche liebe zu seinem
wort vnd Sacramenten/reu vnd leid vber die sünde/waren
Glauben an Christum/lieb/gedult / hoffnung / demut vnd
dergleichen.

I.

Zum andern heist er ihn ein frommen Mann / der da für
sich selbst ein gut gewissen habe / vnd ihm keiner bösen miß-
handlung in seinem herzen bewust sey/vnd wie jenner Heid
sagt/also genzlich denckt: Wan er schon wüßte / daß es Gote
vnnnd allen Menschen solte verschwiegen bleiben / wolte er
doch vmb der schand vnnnd heßligkeit der sünden willen nicht
gerne was vnrecht thun.

II.

Zum dritten nennet er ihn ein gerechten Menschen / der
niemand betrieg oder vberfortheyle im handel/ gewerb/vnd
dergleichen/Sondern mit jederman redlich vnd auffrichtig
vmbgehe/vnd jederman gebe/was er ihm schuldig ist Obli-
gatione ciuili.

III.

I. Thes. 4.

Letzlich gibt er ihm das zeugnuß/daß er armen leuten viel
guts thue / obligatione non ciuili, sed naturali, jeder-
mans not vnd anligen nicht anders/dann der seinen sich an-
neme/vnd inen mit rath vnd that zu hülff komme/2c.

IIII.

Et carnem
tuam ne de-
spexeris.
Esa. 5.

Das mag mir ein recht fromm Mann sein / derer wans
gülte/zu dieser letzten zeit / da fast alle zucht / ehr / erbarkeit/
glaube/lieb/vnnnd redligkeit ein ende hat / gar viel zu wünd-
schen were. Es wil aber hiemit der heilig Geist/vns erstlich

I.

B 3

Kug. dies der schönen verheiffung Gottes erinnern/da er zusaget/das
ses stuck's er umb frommer Eltern willen die Kinder biß ins tausent
II. glied segnen wolle. Zum andern auch alle Christliche Ehes
leute ermanē vnd erinnern/das/ wo sie des erst angezeigten
wuntches teylhaffig werden wollen / sie auch solcher herrz
lichen tugend sich befleiffigen sollen. Dann es heist nicht/
NOTA. Wol dem / der ein weib nimt / sondern / Wol dem der den
Herren fürchtet/vñ auff seinen wegen gehet. Item / es heisse
nicht / Sihe also wird gesegnet / der ein weib freyet / sondern /
der den Herren fürchtet / &c.

III. Aber hie von gnug dißmals. Der ewig Sohn Gottes er
fülle an diesen neuen Adelichen / vnd an allen gottseligen
Eheleutē ob angezeigten trost / Vnd helff jnen durch seinen
heiligen Geist / das sie an jekt gesagten vier tugenden / was
rer Gottesfurcht / fromkeit / gerechtigkeit vnd gutthat / ge
gen armen / dem lieben alten Tobia gleich werden / vnd mit
ihme von Gott reichlich gesegnet / vnd durch vnsere[n] Her
ren Jesum Christum ewig selig werden / Amen.

**Bartholemæus Hofman M. Illustriss.
D. Eliz. Sax. Com. Pal. Rhen. Duc.
Bauar. Concionator.**

**Gedruckt in der Churfürstlichē Statt
Heidelberg / durch Jacob Müller /**

M. D. LXXVII.

Handwritten text in a historical script, likely a form of Gothic or similar medieval script. The text is arranged in several lines and is significantly faded and mirrored, suggesting bleed-through from the reverse side of the page. The content is illegible due to the fading and the nature of the script.

Handwritten text in a historical script, likely a form of Gothic or similar medieval script. The text is arranged in several lines and is significantly faded and mirrored, suggesting bleed-through from the reverse side of the page. The content is illegible due to the fading and the nature of the script.

Handwritten text in a historical script, likely a form of Gothic or similar medieval script. The text is arranged in several lines and is significantly faded and mirrored, suggesting bleed-through from the reverse side of the page. The content is illegible due to the fading and the nature of the script.

Handwritten text in a historical script, likely a form of Gothic or similar medieval script. The text is arranged in several lines and is significantly faded and mirrored, suggesting bleed-through from the reverse side of the page. The content is illegible due to the fading and the nature of the script.

Handwritten text in a historical script, likely a form of Gothic or similar medieval script. The text is arranged in several lines and is significantly faded and mirrored, suggesting bleed-through from the reverse side of the page. The content is illegible due to the fading and the nature of the script.

Handwritten text in a historical script, likely a form of Gothic or similar medieval script. The text is arranged in several lines and is significantly faded and mirrored, suggesting bleed-through from the reverse side of the page. The content is illegible due to the fading and the nature of the script.

Handwritten text in a historical script, likely a form of Gothic or similar medieval script. The text is arranged in several lines and is significantly faded and mirrored, suggesting bleed-through from the reverse side of the page. The content is illegible due to the fading and the nature of the script.



Ma 1960 4K

Handwritten scribbles in the center of the page.

Handwritten scribbles in the bottom left corner.

Handwritten scribbles in the bottom right corner.




Pon Za 1960, QK

ULB Halle 3
003 070 352







B.I.G.

Farbkarte #13

QF 285 v. Berbusdorff

Za
1968

Drey schöner vnd köstli-
cher Glückspfenning / von dem allerbesten
Golde / so in dem lebendigen Wasserfluß des Hülli-
schen Paradies / das ist / dem heyligen Göttlichen Wort
gefunden wird / Allen Christlichen jungen
vnd alten Eheleuten.

39.

Insonderheit aber

Dem Edlen / Bestrengen / vnd Ehrenue-
sten Juncfern Hauhold von Berbißdorff / zu Nider-
forheim / Auch der Edlen / Viltugentsamen Juncffrawen Margas-
rethen / des Edlen / Bestrengen / Ehrenueste Stalanus von Schar-
fenstein seligers / nachgelassener Tochter / zu ihrem Christ-
lich Hochzeitlichen Ehrntag / verehrt
vnd erkläret.

Durch

Bartholemeum Hoffmann von S. Ma-
rienbergk / zu Heidelberg / Montags /
den 18. Februarij / im Jar

M D LXXVII

